

NOTAS DA VIDA DE TERENCIO MAC SWINEY

(MANDADAS ESPRESAMENTE PRA «NÓS», POR MISS ANNIE MAC SWINEY, IRMÁ DO GRORIOSO IRLANDÉS)

O Clan Mac Swiney foi orixinalmente unha familia nórdica e d'acordo c'algús estoriadores, d' orixe Noruega. A familia foi poderosa en en Longh Swilly e nos arredores, e foron sonados coma xefes militares e coma taes serviron ós xefes O'Donnell, e figueron moitos casamentos cos O'Donnell y-os O'Neill.

No século xv viñeron ó Sul, e dend' aquil tempo, o seu solar recoñecido foi en West Cork-Musquerry. Eli, no século xv ergueron os castelos veciños de Cladagh e Castlemore. O derradeiro pasou ó clan dos Mac Carthy, seica coma dote, porque houbo moitos casamentos antr aquiles doux grandes clans.

O castelo de Cladagh e moitos acres de terra arredor d' il foron a principal residencia dos Mac Swiney deic' o tempo de Cromwell, no que llo quitaron pra darllo a un dos soldados da cabalo do exército de Cromwell que chamaban Swete.

Os Mac Swiney endexamais se foron do seu solar ancestral, preferindo, coma outros moitos fidalgos irlandeses, ficaren como labregos no

seo chao nativo, que s'arredaren d' il pra sempre.

D' iste xeito, houbo sempre e hai ainda Mac Swineys en Cladagh, anque as leiras que unha liña descendente dos desposeidos fidalgos leva hoxe, non sexa mais que unha pequena parte do que tiñan os seus denantepasados antes do tempo de Cromwell.

O val inteiro do Bride, un dos distritos mais fermosos e férteis do Sul d' Irlanda, está cheo de lembranzas e reliquias dos Mac Swiney. Din que foi un Mac Swiney quen fixo a ponte Cookstown, fai unhos 600 anos.

Terence James Mac Swiney naceu o 28 de Marzal de 1879, no 23, North Main Street, en Cork, e bautizárono na Eirexa de San Pedro e San Paulo. Foi o quinto de nove irmaus, dous dos que morreron de pequenos. O seu pai foi John Mac Swiney, frabicante de tabaco e vendedor en grande y-en detalle. A¹ casa de North Main Street era unha tenda sucursal ó miudeo, pois o grosso dos negocios levábanse no 27-28 Great Georges Street, Cork, namentral-o seu pai y-un

seu cuñado, John Buckley, estiveron en sociedade. Mais despoxos que a sociedade se desfixo, os negocios foron levados a King Street.

Terencio asistiu ás Escolas dos Christian Brothers no North Monastery. Cando tivo o tempo, preparouse pr' os eisames correspondentes, e tivo *exhibition* nos grados preparatorio, segundo e médeo. (Unha *exhibition* é unha moeda de prezo valuado en 15 ou 20 libras). Logo de pasal-o grado médeo, un pouco despoxos dos dazaseis anos, deixou a escola, y-entrou n-a casa dos Sres. Dwyer & Company, Great Georges Street de tenedor de libros.

Namentras ali estivo, seguiu estudando polas noites, fixo os seus eisamens e colleu o grado de Bachiler en Artes, en Cencia Mental e Moral en 1907.

Durante ises anos d' estudo, il literalmente fagüia da noite día. Atopou despoixas d'un curto ensaio, que despoxos do traballo do día na sua oficina, a sua mente non estaba despexada d'abondo pra estudar con proveito. Entón fixose un plan de seu. Ó voltar d'os negocios, arredor das seis do serán, tomaba té, e iba dar un paseo, volvendo arredor das oito, e deitábase. Erguaise as duas da mañá y-estudaba algunas horas total-as mañás. Gustáballe durmir seis horas, mais moi a miúdo durmía moitas menos. Os mais dos seus escritos posteriores foron feitos do mesmo xeito. Il traballaba de cote millor n-as primeiras horas da mañá, namentras qu'as suas irmás, sempre quixerón millor traballar de noite e por moito tempo; era costume da sua irmá mais nova—qu' estaba estudando pro seu primeiro exame d'Artes por aquil tempo—poñer unha pota pra faguerlle a Terry unha taza de té, e chamalo ás duas da mañá, cando ela s'iba á cama.

Me non lembro de nada dino de nota en col d'il cand' o era neno. Il era decote dóce, c'unha especie de tranquío antusiasmo por canto il comprendía. Endexamais falaba moito da sua obra.

Na presencia tiña sempre unha color morena crara, o cabelo caxeque negro, e ollos azúes craros. Hastra fai cinco ou seis anos, tivo sempre aspeuto de mozo, caxeque que de rapaz, mais os anos derradeiros, probabelmente debiboo a estar tantas veces preso, e mais ós seus moitos coidados en relación co Movemento Nazonal, perdera todo o seu aire mozo, y-a sua face púxose toda enrugada. Mais o seu curazón y-o seu antusiasmo nunca se fixeron vellos.

Cand' eramos moi pequenos, sempre deprendíamos un poema cada semán pra recitarlo ó noso pai o domingo polo serán. Sempre había

de ser algo encol d'Irlanda, y-a gabanza e aprobación concedida ó pequeno recitante, era en proporción direita co acceso tono rebelde da recitación. Por iste camiño, deprendíamos moitos poemas de T. D. Sullivan e algús de Davis. «*A Morte de Owen Roe O'Neill*» e «*Fontenoy*» eran os que recitábamos con millor gusto, namentras qu'os nosos cantos preferidos eran «*O'Donnell Abre*» e «*Clare's Dragoons*».

Eu lembro un pequeno incidente dos derradeiros anos pra mostrar coma o asunto da liberdá d'Irlanda enchia os pensamentos de Terry. Podía il ter unhos dazanove ou vinte anos, pode que non tantos. Os millós de John D. Rockefeller eran ó tempo o tópico favorito dos xornaes, e un día, os nenos principiaron a discutir na mesa do que iles houberan feito con tants cartos. A nosa nai meteuse cordialmente na discussión e debatérónse moitos espléndidos plans filantrópicos. Nun pronto ocurríuselle a algún que Terry non trouxera nada á discussión, e perguntáronlle o que il houbera feito:

—Eu faría libre a Irlanda—foi a imediata resposta, faguendo que todol-os outros pláns e castelos no aire pareceran pequenos.

As suas respostas ás perguntas que seguiron, amostraron qu'il xa entón comprendera a significación da opresión ingresa no desenvolvemento económico d'Irlanda, y-as relaciós esenciais antr'a liberdade políteca y-a económica.

Nos días en qu'os rapaces do seu tempo non pensan mais que nos goces do istante, Terencio estableceva xa preparando pro rol que dentro d'il o espírito tiña fadado qu'il debía xogar na tráxica estoria da sua terra.

Endexamais vacilou. Il viviu de día en día c'un ideal guieiro na mente. Iste ideal era a liberdade d'Irlanda.

Dend'a primeira mocedade estaba preparado a se sacrificar pol-a sua terra. Durante a sua adolescencia, fortaleceu a sua determinación de se dar por enteiro con tal de faguer adiantar un pouquiño que fose, a causa á qu'il se consagrara.

E mais il amaba a vida. Il amaba a vida, a emoción e total-as mais belas cousas qu'os poetas—porque no seu curazón il era un verdadeiro poeta—poden amar. Vivir siñificaba moito pra Terencio, e non embargante moi por riba d'elo puxo a liberdade d'Eirin.

Nado en Cork, a «Vila Rebelde», il, coma todol-os outros rapaces d'eli, tiña un amor y-un respeito apaixoados polos vellos Fenians. O qu'era anormal n-il era a tranquía resolución co'a qu'il planeou o curso da sua vida. O seu oxetivo persistiu craramente no seu espírito,

y-a boa fertuna guiono no camiño qu' il escollerá.

Na Escola dos Christian Brothers foi pupilo do Reverendo Irmán Walker, y-era elí Superior o famoso Irmán Burke. Terencio pertenecía a unha clás famosa, os mais de cuios membros distinguíranse en todal-as cousas da vida no mundo.

«Eu penso qu' era o seu amor por Irlanda, y-o feito de s'istruir na língoa e na estoria irlandesas, o que deu dirección ás suas incrinaciós» díxome unha vez un seu compañeiro d'escola.

»Non era de todo taciturno nin d'unha disposición desconfiada. Mais de rapaz, il tiña a miudo un aire reservado que iba ben coa sua coor escura, e cos seus cabelos caxeque negros. As suas carakterísticas, anque non estrañas, eran definiñas.»

Mais en relación coista fase da sua vida, nada millor que citar o que dixo d'il John Walsh, qu' era un dos seus profesores. Mr. Walsh, dí:

«Parez que pasou moito tempo, e fai vinteito anos, cando eu era profesor segrar cos Christian Brothers no North Monastery en Cork, había na miña clase douis rapaces moi desemellantes en natureza e disposición, qu' algúin tempo antes soupen qu' eran irmans. Eran Terencio e Pedro Mac Swiney.

»Eu recordo a seria face d'aquil mocío que rara vez ou nunca tomou parte nas brincadeiras dos outros rapaces, e fago comparanza coa do seu irmán Pedro, o inventor de todal-as trastadas dos rapaces na clase. Pedro estaba sempre fervendo, perdendo leuciós, fagundo entrar toda clás de trastornos y-a miudo recibindo castigos por arremedar ós profesores.

»Pedro era un remedador nato. Eu lémbrome nos anos derradeiros, sendo xa un home, voltábamos d'un partido de football en Limerick; unha gran chea de xente agardaba que pasara un tren especial onde viña o leader irlandés William O'Brien. O pobo da comarca agolpouse ó redor do noso vagón na estación de Kilmallock y-acramou a O'Brien, crendo que o políteco viña no noso departamento.

»Pedro decidiu qu' aproveitaran o tempo y-os cartos. Pediu un chapeu de labrego y-unhas gafas, y-envolto n'unha chaqueta satinada, n-unhos cinco minutos, falou dend'a fiestra do vagón esautamente cos mesmos xestos y-a mesma fala qu' o héroe de Tullamore. O público aprausouno a cada frase. Logo, aquela noite, cando Mr. O'Brien chegou, falloulle o seu recebemento acostumado en Kilmallock.

»Ora, Terencio, a quen eu coñecín de neno e

de home, era por compreto difrente. Doce meses estivo na miña clase, mais eu coñecino na escola por tres ou catro anos.

»Ainda era un rapaz, e xa falaba e obraba c'unha calma e unha deliberación qu' amostraba a imensa força do seu caraute. Ainda con todo, non era un rapaz de quen un houbera dito que chegaría a ser un grande home co mundo inteiro resoando co seu nome.

»Non, Terencio Mac Swiney era difrente de todol-os outros rapaces na clase. Houbera tido o estrevemento combiñado co aquela forza de caraute que chamaba a atención no pirmeiro encontro, y-houbera deixado unha mais crara impresión, mais o apartamento qu' asi o siñalou nos anos derradeiros deixaba a un coa impresión de qu' aquil guapo rapaz con cabelo negro com'un corvo e ollos azúes contrastando tan ben coa sua pálida faciana, podía mañá pol-a sua boa sorte chegar a ser un escolante ou entrar no sacerdocio.

»Terry, com' os seus compañeiros lle chaban, nunca foi traste de neno. Non iba nunca ó campo de football. Nas horas de recreo, vino a miudo leendo algunha estoria irlandesa. E sentado nun curruncho, lonxe dos berros y-os brincos dos outros lía o seu libro.

»Nas leuciós, era fácilmente o pirmeiro da clase. As cousas qu' il adoitaba dicir unha y-outra vez eran asombrosas pra un rapaz dos seus anos. Lémbrome n-unha ocasión, cand' un dos frades lle pergunto o qu' houbera querido ser, tivo unha resposta sorprendente:

»—Soldado!

»—E levar unha chaqueta bermella e ganar un chelín diario? pergunto o frade.

»—Non, levar unha chaqueta verde e liberar Irlanda, foi a tranquía réprica.

»Velehi todo o ideal da vida de Mac Swiney.

»Atópomo algús anos despois de ter pasado da miña clase. Era enton membro da Sociedade Xoven Irlanda, unha orgaización de Cork, onde s'atopaban os derradeiros restos do movemento Feniano. Terencio non tiña mais que quince anos y-os mais dos outros membros pasaban xa dos cincuenta. Non embargante, eu recordo que o rapaz orgaizou e dirixiu unha revolta na orgaización.

»As suas queixas eran que os métodos dos xefes eran anticuados d'abondo, e que si a Irlanda había ser libre, tiña que ser emprendida unha política mais nova e mais eficiente. As longas barbas indináronse ó estrevemento da mocedade. Non deran iles o millor dos seus anos ó servizo da sua terra, e iban agora ser suprantedos por unhas cabezas tolas?

»Mae Swiney foi vencido pro non acabaron co' il. Os votos podían estar contra d'il, mais c'unhos poucos cofrades levados pol-a forza das suas ideias, iniciou a *Sociedade Literaria Céltiga* qu'estaba destinada a sel-o berce do presente movemento pol-a liberdade d'Irlanda.

Terencio Mac Swiney era a y-alma qu'a movía. Il travallou pol-o rexurdimento da lingua irlandesa e por un teatro nazonal, e inda que non tivo éxito no proyeuto derradeiro, namentras viviu, con só qu'houbera vivido hasta a restauración da tranquilidade no pais, os seus esforzos houberan traguido froito certamente.

»Eu nunca perdín de vista a sua carreira por un longo tempo. Eu soupen da loita da sua nai viuda que tiña que manter tanta familia tan nova. O seu home morrera enantes que Terry cumprira os dez anos, e coma eu velaba por il coma home e coma rapaz, notei o coidado e consideración qu'il amostrou decote pol-a sua nai.

»Non foi nunca un fillo meramente sumiso. Il amaba á sua nai como amaba as suas irmás e irmaus, coma il amaba á sua dona e ó fillo, como il amaba á sua terra. N-algún tempo da sua vida, houbera dado a vida pol-o seu lar, coma de feito dou a vida pol-a Irlanda.»

Todo iso da narración de Mr. Walsh. Terencio namentras estivo empregado na casa Dwyer and Company, os seus xefes estaban satisfeitos da sua enerxía e intelixencia; mais aquil traballo non era a sua vocación, de modo qu'il seguiu no tempo de lecer, leendo estoria e literatura irlandesa.

Dedicouse a istes estudos con tal intensidade qu'en pouco tempo, en comparanza, fíxose Bachiler en Artes na Royal University d'Irlanda. Lugo abandonou o seu cárrego comercial y aceutou un posto do Cork County Council coma profesor en asuntos comerciás. Elí permaneceu hasta o comenzo da guerra de 1914, cando s'atopou desempregado debido á necesidade de economías no colexo.

Eli ocurriu un episodio que quero relembrar. Había elí catro profesores, e no plan d'economías determinado pol-o departamento, decidiron seguir con tres. O segundo en antiguidade era Liam de Roiste, agora un dos membros do Parlamento pol-a vila de Cork. Terencio Mac Swiney era o terceiro, mais o comité escolleuno en lugar de De Roiste. Cando Terencio o soupo non quixo aceutal-o nomeamento que pasou a Mr. De Roiste.

Terencio enton volven á literatura. Dende que deixara a escola, estaba sempre escribindo e pubricou unha colección de poemas en 1907,

baixo do título *A mûseca da liberdade* (*The Music of Freedom*). Il mesmo chamáballe: «N.º 1 da Nacente Imprensa Gael».

Nos anos seguintes pubricou moitas comedias, sendo as principás antr'elas *The Wooing of Emer*, *The Last Warriors of Coole*, *The Holocaust* e *Manners Masketh Man*.

O seu intrés pol-a literatura y-estoria irlandesa fixo tan forte que pra il foi un paso curto da literatura á politeca. Toda a sua vida il soñara unha Irlanda libre, y-os seus héroes eran os mártires que deran as suas vidas pra que a sua terra podera ser ceibida de debaixo dos pés do opresor. Era a sua grande cobiza seguir os seus pasos e traballar pol-a causa d'Eirin.

Cando o Sinn Fein foi un movemento, nas suas primeiras fías estivo Terencio Mac Swiney. Dende rapaz, il ouvira estorias do Gran día en qu'un exército desbandado de soldados irlandeses-americanos dempoixas d'unha guerra de liberación, volveron os seus pensamentos alén do Atlántico e soñaron unha nova Repúbrica. Estaba todo perdido? perguntábase. Había que faguer mais que evocal-as glorias pasadas, e someter á insolencia inglesa por unha despreciable concesión.

Dend'a fundación do Sinn Fein, a sua historia é a estoria do movemento.

Mais il veu autivamente á política práutica co nacemento dos Voluntarios Irlandeses. Foi o mais aitivo orgaizador d'iste corpo no país.

Lémbrone d'unha pintura encantadora que o repersenta no campo d'Istrucción dos Oficiás Voluntarios en Galway en 1915, pintada por un camarada. Elí amóstrase, corazón e alma na obra, y-o seu serio, y-as veces grave continente, da a entender qu'il era un home atido ás realidades. Foron aquiles, ledos e proveitosos días, e ninguén sacou d'eles mais proveito qu'a il. O campo tiña que mudarse varias veces namentras il estivo co'a tropa aquila vez.

O ano seguinte principiou a serie de persecucións do Goberno Británeco qu'ó fin rematou co'a sua morte. Arrestárono pirmeiro o 13 de Xaneiro de 1913 por un discurso que botou, e soltárono o 22 de Febreiro. Non estaba en Cork en 1916, y-eu sei que houbo quen empregou influencia contra d'il conforme coas instruccíos do Executivo de Dublin. Mais o Goberno Británeco ainda autoou contra d'il y-en Mayo de 1916 deportárono sen xuicio nin cargo á prisión de Wakefield, mandárono d'eli a Trongoch, Gales, e derradeiramente a Reading, Inglaterra, e soltárono sen mais espricación nin defensa pol-a víspora do Nadal d'aquél ano.

Volvéróno prender en Febreiro de 1917 e

outra vez deportárono sen formación de causa a Ingraterra. Soltárono e volvérono a Irlanda por San Xoan d'aquil ano, pra volvelo prender por Santos e sentencialo a seis meses de cadea por ter feito un discurso sedicioso. Ó cabo d'unhos días, o 12 do mes de Santos, todolos presos no cárcel de Cork, queixáronse de fame e soltáronos baixo disciplina e condición o día 21, con orde de voltar o cárcere ós 21 días. Il non volveu. En Marzal de 1918 prendérono en Dublín pra compretal-a sentencia encerrado no cárcel de Dundalk e Belfast, deica Setembre.

Cando cumpriu, prendérono de novo, outra vez sen acusación nin proba nas portas mesmas do cárcel.

Soltárono baixo parola, en consideración á doença da sua dona, por Marzal de 1919. Demais de varias ordes dadas pra prendelo, deica Marzal de 1920 os esforzos pra collelo non deron resultado, mais por fin pillárono o 12 d'Agosto en circustancias que ficaron pra sempre na memoria de todolos irlandeses, e deportárono por coarta vez pra Inglaterra.

IRLANDA!

*Irmanciña adourada
que pasachel-o mar!
Antre a brétema, o tanguido
da campaiña de San Patricio zoando vai!
Carne, sangue, osos celtas!
Irlanda! Irlanda irmán!
Ten unha nova estrela o noso ceo
e ten uns santos novos noso altar!
Chegou o teu berro
ós cons de Fisterre que baten o mar
e abréu o teu laio, salouco e ruxido,
as vellas feridas do vello Breogán...
xa está cheo de sangue bermello
o cáliz do San Graal!
Irmanciña adourada
que pasachel-o mar!
A lança groriosa dos feitos heroicos e os sagros misterios
en alto... afiada... na man!*